

Dari Sebulan ke Sebulan

Kerajaan Sukarno telah menarik diri dari Perhimpunan Agung Bangsa-bangsa Bersatu. Langkah ini diambilnya kerana Malaysia dibenarkan duduk sebagai anggota Majlis Keselamatan Bangsa-bangsa Bersatu. Ertinya Bangsa-bangsa Bersatu telah mengiktiraf sepenuhnya kedudukan Malaysia sedang Sukarno memandang bahawa Indonesia tidak boleh sekedudukan dengan Malaysia. Langkah ini bererti bahawa hubungannya dengan ahli-ahli Bangsa-bangsa Bersatu telah berpisah dan sulit mendapat kerjasama dengan lain-lain negeri itu. Ia boleh melakukan sesuatu mengikut kesukaannya dan sebaliknya tiap-tiap satu langkah yang diambilnya adalah tanggungjawabnya sendiri.

Langkah ini diambil oleh Sukarno ialah apabila seorang Jeneral China Komunis telah sampai di Indonesia dan mengadakan rundingan-rundingan yang panjang dengan pegawai-pegawai tinggi Indonesia. Daripada ini jelas bahawa Sukarno telah mengikut telunjuk Indonesia (Aidit¹) yang menumpukan segala gerak-gerinya menyebelahi Komunis China – tidak Komunis Moscow.

Berhentinya daripada menjadi ahli Bangsa-bangsa Bersatu disebut oleh Sukarno akan perbuatannya itu sebanding dengan sejarah Nabī Muhammad berhijrah dari Mekah ke Madinah Perbandingan yang demikian inilah suatu perbandingan yang sangat celupar dan sangat-sangat mengkeji Islam kerana

tidaklah sesuatu keadaan iblis Sukarno yang jahat, suka memperkosa perempuan, suka mempermain-mainkan agama dan penindasan Islam di Indonesia, memperbandingkan keadaannya dengan hijrah yang suci dengan perintah Tuhan di atas Rasulullah (S.A.W) dari Mekah ke Madinah itu.

Adakah sesuai pepindahan daripada perhimpuan di dalam majlis Bangsa-bangsa Bersatu yang mengutamakan demokrasi kepada diktator Komunis yang anti-Tuhan di negeri China. Sifat yang demikian ini adalah suatu sifat mempermain-mainkan agama Islam dan memperbandingkan sesuatu dengan tidak diajar. Ia tidak akan dilakukan oleh orang Islam yang beriman – ia hanya dilakukan oleh orang yang munafik sahaja.

* * *

Peraduan Qur'an bagi negeri-negeri di seluruh Malaysia dan bagi negara-negara sahabat telah diadakan di Kuala Lumpur baru-baru ini dengan mendapat sambutan yang baik dan luar biasa. Cara-cara peraturan berjalan dengan baik dan tersusun dengan sempurna. Pengemar-pengemar bacaan Qur'an berduyun-duyun beberapa malam membanjiri lapangan tempat diadakan peraduan itu. Pengemar-pengemar dari jauh pun tiba juga ke sana untuk mendengar dan melihat peraduan yang baik tujuan dan maksudnya itu. Patut benar rasanya penglaksanaan dan acara yang dibuat dengan sebegitu baik diberikan pujian dan terima kasih kepada

¹ Merujuk kepada D.N. Aidit.

jawatankuasa pengelolanya diketuai oleh Tuan

Syed Nasir dan dibantui oleh A. Lokman Musa

iaitu kedua-dua yang ikhlas dan bersungguh

melaksanakan tugasnya.

Hanya satu perkara yang patut rasanya diperhati

buat masa yang akan datang iaitu ada moleknya kiranya

tempat-tempat penonton dikhaskan bagi lelaki dan bagi

perempuan. Demikian juga peserta-peserta wanita (qariah)

itu diadakan sesuatu peraturan pakaian untuk menutup

kepala dengan sebaik-baiknya supaya menjauhkan perasaan-perasaan

yang kurang senang sebahagian golongan yang melihatnya di dalam

televisyen dan rambut wanita itu terjulur seakan-akan

menunjukkan fesyen rambut. Mudah-mudahan hal ini

kelak mendapat perhatian yang lebih utama.

* * *

Terbit daripada peraduan al-Qur'an ini zahir

menunjukkan bahawa dari satu ke suatu masa Tengku

Abdul Rahman Putra, Perdana Menteri Persekutuan Malaysia

dan pemimpin-pemimpin Islam di dalam kerajaan Malaysia

menyedari bahawa al-Qur'an itu bukanlah hanya untuk dibaca

ditafsir dan ditelaah tetapi al-Qur'an itu tentulah

diketahui oleh semua orang Islam bahawa ia

diturunkan Tuhan sebagai suatu undang-undang yang

bukan saja mengenai perkara-perkara di antara makhluk dengan

Khāliq-nya tetapi aturan-aturan hidup di antara manusia dengan

manusia di dalam permasyarakatan dan di dalam serba-serbi

baik mengenai ekonomi ataupun siasah. Ia kalau

diamalkan tentulah membawa suatu kejayaan yang besar. Ini

kebahagiaan daripadanya dan pemerintahan akan ia dirahmati

dahulu. Al-Qur'an tentunya membimbing manusia terutamanya

pemimpinnya supaya bertanggungjawab kepada orang yang

dipimpinnya (orang bawahannya) dan hendaklah ia amanah

terhadap kepada harta-harta negara yang dipertanggungjawabkan

kepadanya – ertiinya menjauhkan daripada rasuah dan

bertindak keras terhadap kepada mereka yang melakukan

rasuah itu. Al-Qur'an menghendaki tidak ada pilih

kasih terhadap kepada sesiapa jua pun sekalipun

ia kawan dan rakan dalam melaksanakan tugas

terhadap kepada rakyat yang dipimpin mereka.

Sekiranya kesedaran ini ada kepada Tengku dan

kepada pemimpin-pemimpin kita maka diharap umat akan mendapat

kebahagiaan daripadanya dan pemerintahan akan ia dirahmati

Tuhan. Tidak ada faedahnya kita hanya berkata dan

menyeru umat berbalik kepada ajaran al-Qur'an sekiranya

kita sendiri tidak mengamalkan dan tidak

mengerakkan maksud-maksud al-Qur'an itu untuk kebajikan

masyarakat.

* * *

Puasa telah silam dan masing-masing orang yang

iman, dalam menutup puasa itu berdoa semoga

Allah panjangkan umurnya dapat bertemu dengan puasa yang

akan datang untuk merasai akan nikmat dan kebahagiaan

wasa² dengan harapan-harapan bahawa kelak dapatlah ia melakukan

amal soleh dan bakti serta amalan dan perbuatan

mereka akan diterima oleh Allah.

Kita bersyukur pula dalam menyambut Ramadhan

itu kita melihat tadinya yang mereka leka dengan pekerjaan

dan menjauhkan diri kepada bakti-bakti dan ibadah kepada

² Perkataan sebenar ialah puasa

Allah telah menjadi taat menjauhkan diri daripada segala maksiat yang pernah kita lihat dilakukan mereka.

Perbuatan-perbuatan ini bukan saja sangat baik tetapi sangat memberi kesan kepada isi rumah tangganya. Kalau tadinya anak-anaknya dan penghuni rumahnya tidak melihat sesuatu pun ketakwaan yang dibuatnya di dalam menyampaikan seruan-seruan Tuhan, bersembahyang dan berpuasa dan menjauhkan diri daripada kejahatan dan kemungkaran serta cuba membuat kebaikan tentulah ia menjadi contoh yang sangat besar kepada mereka walaupun kepada kanak-kanak yang berumur tengah dua tahun.

Umat Islam tidak akan dapat berharap akan menjamin bahawa anak buah mereka (keturunan mereka) akan patuh kepada perintah-perintah Allah jika di dalam rumah itu sendiri ibu bapanya tidak pernah meletakkan dahinya sujud kepada Allah (bersembahyang). Contoh-contoh ini kalau tidak ada, tetaplah ia membawa kepada kanak-kanak itu tidak ada perasaan mengetahui dan menyiasat kelak apakah hakikat yang dilakukan oleh kedua-dua ibu bapanya yang dipandangnya sejak daripada merasai akan penglihatan matanya. Sebab itulah mustahak keutamaan tiap-tiap makhluk sama, nama saja Islam tetapi tidak beramal dan tidak melakukan barang sedikit pun akan suruhan-suruhan yang mesti dilakukan oleh tiap-tiap seorang Islam.

Bahasa sesuatu negara adalah menjadi suatu perkara besar yang tidak boleh dipermain-mainkan begitu saja atau tidak boleh dicuai-cuaikan. Di dalam peristiwa-peristiwa yang berlaku di luar negeri, di Ceylon umpamanya telah terjadi pertentangan hebat terhadap pemakaian bahasa.

Baru-baru ini di Madras pula berlaku pertentangan hebat apabila kerajaan India hendak menjadikan Hindi bahasa rasmi yang tunggal, pada hal di negeri itu tidak mengenal bahasa itu dengan wajarnya sedang mereka menggunakan bahasa mereka sendiri (bahasa daerah) dan bahasa Inggeris. Di Malaysia di dalam perlembagaan bahasa Melayu adalah menjadi teras bahasa dan digunakan di seluruh Tanah Melayu dan merata-rata dan ialah yang ditentukan bahasa rasmi yang tunggal pada tahun 1967.

Tetapi malangnya ada pula golongan-golongan yang berasal daripada anak dagang yang menghendaki supaya bahasa yang biasa digunakan – bukan teras bahasa – seperti bahasa Cina dan Tamil dijadikan juga bahasa rasmi di samping bahasa kebangsaan (Melayu) itu. Apabila golongan-golongan yang berpegang kepada dasar perlembagaan itu berdiri, golongan itu tidak senang dan menuduh bahawasanya mereka itu menghidupkan perkauman. Orang tentu bertanya, adakah bahasa yang digunakan oleh anak negeri yang asal di sini kalau diperjuangkan sebagai perjuangan perkauman? Ini nampaknya adalah menjadi fasal, bukan mencari perpaduan dan kalau lebih terangnya kalau di Singapura tentu ada cita-cita hendak menjadikan Singapura ini sebagai Hong Kong.

